



新國詩偈

一之三

共戴冊

運善

持所



心之入者其入之也

佛國詩偈自序



佛國詩偈蓋曇華衛人隨機隨
昔所作也拾得子云吾詩也是
詩有人喚作偈詩偈總一般讀
昔須子細此語有諸訛處不可
等閑讀過既日一般似不待辯

又日子細容有說焉予今集中
所有無慮九百餘篇且循是詩
邪偈邪讀者講下_二一轉語
曇華道人漱高泉題



佛國詩偈目次

卷第一

古詩

五言七言長短篇

五言絕句

五言律

卷第二

五言律

七言律

卷第三

七言絕句

卷第四

七言絕句

卷第五

七言絕句

卷第六

七言絕句

六言絕句

佛國高泉禪師詩偈輯要卷第一

門弟子道清道發全編



古詩

讀石門文字禪

文字不外禪禪豈外文字譬諸春與花鳥可岐爲二
敬讀文字禪輒莫忘寤寐言言味不窮激動人生意
大哉甘露滅實獲無礙智迷封滯轂人那復明斯義
書富士山下旅館

築屋富士山旁日看富士山色熱惱化清涼心空眼欲白
更愛山上雲變幻不可測

寄江太守

江守春秋方富有風度秀如春在柳想見豪吟得句
時解衣落筆風霆走

客窗夜雨拈韻

松雲捲夜簾江雨搖虛碧山房小似舟認作瀟湘客

散步

夢破梅牕曉粥完茶吸了扶筇花下行驚起枝頭鳥

題丹羽氏山舍

蒲室暖於春苔紋深似繡孔丘曾有言君子居何陋

春過萃藏用壁間張相國韻

松濤刮地寒靜聽心如木何處異香生庭梅開未已
血染溪頭花鏡磨溪下水花蜚逐晚風流水無時已

遊福清寺 排律

扶杖踏烟霞西行入路斜林深藏殿角樹缺露蒼牙
遶屋峰巒秀臨風禽鳥譁宇陽渾在望御室隔無遐
籬破常栽竹園空但種茶志高聲利淡心淨俗塵賒
午梵鳴金磬晨炊汲井花靜中樂不盡清裡福無涯
似此幽閑地空為道者家詩成題瘦石筆健走生蛇

夜坐

空塔獨靜坐夜寂鐘沈處前溪有月明不隨流水去

古松

天產蒼龍骨，盤空勢兀兀。等閒風濤生，不得窻前月。

救蜂被螫

憫汝觸紙窻，振手來援汝。不料反被傷，忍痛莫能語。我痛固不妨，奈汝毒若許。因思當世人，背德嘗如此。

有感

慈鳥飛禽屬啞啞，知哺母羔羊。走獸群數數，能跪乳。世有一等人，空具人頭肚。橫心反背，息禽獸羞與伍。

雪峰和尚檀越豐州君輓辭

諸天位裡轉身來，德比人中麟一角。不負靈山授記，

音重僧重法過山嶽，就中偏愛雪峰禪。可是閩王今復作，世出世間願已酬。倒翻筋斗歸兜率。

寄祝聖壽和尚

長江磨作古陶泓，萬竹縛成小不律。展出虛空紙半張，寫來一箇天。大南無無量壽佛。

聞耶山櫻桃花開有作

摩耶山下春雨餘，見說櫻桃花開滿。塢日中爛爛燒晴川，鬢髯武陵新畫譜。此花有約待我來，迄今十載尚未睹。孤負花間舊主人，凭欄獨聽落紅雨。

尋山院

欲尋秘宇忻登涉花竹公途開畫牒亭午臨門解汗
衫倚欄衆岫登看曉

題先師遺墨

此字吾曾見運筆玉勒銀鈎猶熠熠莫恠鍾情玩不
休正如魯女遺荆泣

再遊東山贈周堅禪德

距洛之東有寶山蒼蒼鬱鬱猶玉琢千季王氣所鍾
臨屢沐皇恩深且渥琳宮紺宇聳穹窿華鯨梵貝
鳴山嶽幾回登眺關心曾疑是人間小極樂

遊法音院贈見山禪德

倦足久不移胡爲來洛下都緣大隱人有約開蘭若
花粲照空庭境幽通綠壑日暮歸去來詩成石上寫

贈差我照和尚六十

洛西有形勝號曰嵯峨山山藏太古色髣髴仙人髮
上有雲旁騰下有水潺湲菁蔥凌碧漢幽邃异人間
望之近看曉卽之難躋攀楞然絕塵跡多隱古禪關
其中有尊宿高蹈歷同班春秋登耳順容粹髮初斑
世緣渾不涉德韻動龍顏或時陞曲肱滿座水雲環
拈椎彰大用說泐腋癡頑壽比虛空固心同日月閒
我作此祇夜千秋布帝寰

雨窗夜話次韻

花雨落續紛雄談忘永夜言言契祖機一任傳天下

與松巖道者

結縛是塵垢智慧為掃帚當以智慧帚掃除結縛垢
垢盡智慧生解作獅子吼

偶遊桃花塢示客

前山後山翠打圍千樹萬樹花鋪錦花下遊人半酒
仙三三五五臨風飲儼然畫出武陵圖日醺風暄春
正稔色即是空知不知此是誠言慎勿疑莫教一雨
洗殘後請向花前着眼窺

夏日假寐

小園春太夏初熱嫋嫋南熏吹柳葉試倚石牀嘗黑
甜卻無夢太為蝴蝶

吸江菴

大千一小菴長江半點碧誰是菴中人一吸無涓滴

題扇

捏聚成一字展開如破月不待買松風涼氣生毛骨
慰人喪子

偶爾得樵音聞君喪主器料想君此時必自呼天地
予雖世外人亦為君嗟異猶幸富春秋蘭芽必再萃

由是進善言聽之莫我棄不願君多才不願君多智
但願積德如張公定保雲仍千百世

哭開山隱老和尚

憶管予方舞勺奉翦髮侍翁爲稚子時時座側執巾
匝徃徃登堂聽麾指不知妙唱絕言詮但覺雷音灌
入耳一朝折葦日東來爲法求賢忘彼此王臣見者
輒歡呼咸謂普通季外士上何移駕晉京師大扇宗
風埽魔壘四方龍象仰規模稽首來歸門若市聲光
上徹九重天每降丹書叩玄理一言半句偶拈提左
之右之皆稱旨聖恩此日正輝煌奈何遽捉西歸履

法幢折也法燈殘人天失色波旬喜爭似吾翁實相
中管本不生今豈死不生不死見吾翁猶較吾翁十
萬里撫膺號慟痛難言淚珠滾作長江水

壽華嚴法師

鬱鬱青山上誰培十萬松濤聲如梵唄日日奏天風
松影最深處居然有佛宮三山一老衲瓶盃挂其中
曉看雲出谷夜睹月升空只欲酬恩有頻針指上紅
手書先佛典渾不計其功經今二十載名德滿桑東
時時參禮者不异善財童如今花甲滿貌與茂齡同
懸知君壽筭海屋莫能窮

歲暮

刮地朔風萬竅吼，滿林冰雪凝寒久。可憐羣木盡摧殘，獨有梅花骨不朽。

與貞園頭

憶昔妙喜師東司，浣籌子智已拔羣賢行不嫌。下鄙竟成法棟梁，人天咸仰止渠今效此風。日治廁中滓，厥行深於淵。厥心淨於水，行滿心智圓。糞籌光明起，非不忝先人。且亦合佛旨，無功食粟人。目擊寧弗耻。

題泉福密寺

泉福林中花木秀，老僧無語坐清晝。風柯鳥語及泉

聲盡解，替伊誦密咒。

寄賀廣壽法雲和尚開堂

海西法窟有金貌，牙爪養成堅似鐵。一旦翻身哮吼時，直教百獸齒門裂。

且喜吾人今出世，綱宗扶起非兒戲。廁蟲不識吞舟魚，禪蟲寧知摩漢狻。

鐵志上人卓菴

上人立志堅於鐵，長寓山頭遵古轍。一筇幻廬化，作灰重新樹起，倍清絕。四簷翼出冠林巒，六戶洞開照冰雪。此時倚杖縱吟眸，下視羣峰成蟻垤。

觀弈

世界一碁盤英雄黑白子日月兩閒人古今著不已

與林和尚方丈茶話

好茗六七甌好花三兩朵時與妙喜翁笏室分蒲坐
談玄聳石惺塵塵空萃墮頓使小應菴多年閒夢破

喜逢舟峰法弟用前韻

松竹布重重峰巒列朵朵何幸值天親促膝同堂坐
秉燭奏頌篋不覺霜輪墮家話百千般無勞重說破

溫泉山暢快齋

暢快暢快真暢快疊嶂塔前青一帶暖波浴出坐忘

懷一聲老鶴來天外

木和尚退休紫雲

南地有奇人不全當代士享齡甫七旬聚眾三十祀
俄然謝祖庭歸臥紫雲裡只恐芝詔臨特地復驚起

謝廣壽法雲和尚惠語錄

文章黼黻君餘技說法自在君閒事因緣輻湊君偶
然機用迅捷君遊戲四者盡皆人所欽我所欽者與
入異獨欽眼目迸通身妙喜中峰良可比西來法脉
似縣絲有幾兒孫堪委寄賴君傑出海西邦不至宗
風將掃地

耶山和尚奉旨住黃磔

師本人中豪當今疇與伍長為耶岳師轉作磔山主
兩處坐道場轟轟鳴法鼓直教大地人一一超佛祖

杪春遊瑞應山暮過圓通訪性通禪德留宿
有約探招提快然開懷抱朝遊瑞應山莫取圓通道
久霽雨將來落花風自掃操觚漫賦詩寶鴨添龍幽

重過西來寺

疇管復興嘗過此重來景物倍清美
紅籬邊蛺蝶翩翩起有問西來意若何天台東去剛
十里

重遊御苑用前韻

重足不辭頻過此官家林苑稱幽美紫藤花發鬼車
忙碧艸香生少女起由來景物解移人莫怪多時忘
梓里

含玉和尚見和復依韻答之

自古道人忘彼此閑中獨領谿山美幾回得句拍闌
干渚禽驚散林鷓起功名不直水一盃那羨杏花香
十里

贈極仲和尚開法

自從得記潛林藪澗飲木食學抖擻四來衲子每相

從尋常未肯輕開口，而今時節逼身來，不妨出作師
子吼。

雪中尋梅

壑鳥聲聲啼不住，與酣溪上尋梅去。忽覺微香度水
來，雪深究竟無尋處。

暮春過法苑應誠院主齋即景

何處聲聲啼，百舌山間形勝倍。清絕海棠花裡，颯風
來滿地，繽紛落紅雪。
汲綠燃枯烹雀舌，林深境寂塵囂絕。白花幾對隔籬
東，銷訝未消春後雪。

寄幻和尚六十

大地陶泓滄海墨，虛空幅紙須彌筆。點綴雲霞作壽
章，殷勤為祝娘生日。雙鬢且忻尚綠，芽滿盤花甲都
翻畢。知君壽筭等恒沙，恒沙壽筭今方一。

西來寺次香國公韻

矮窗岑寂聽風松，飛花舞蝶覓無蹤。碧空遠處雲忽
破，露出空外八九峰。

寄贈三山鄭道士

羽客所栖塵跡斂，蓬門想有烟霞掩。壯心不為僵尸
移，離欲無容炭女染。

寶林湛和尚奉旨住黃蘗

天挺邁倫人操持忘旦夕禪心湛洞潭道骨堅金石
多季坐寶林一旦據師席自此接方來聲等倍藉藉

山中四景

春夢正酣誰喚醒起看物物非凡境風和金尺擲波
心日暖栗留啼柳影

剪芥烹葵玄午頓隔雲僧至忻清論笑宇習靜慵出
門堦下莓苔深一寸

朶朶籬花凝露郁踈踈竹影搖窗綠老僧經罷起開
簾忽聽樵童謔一曲

雪後山無青一髮烟邨盡仵爛銀闕尚餘清富許誰
知萬樹梅花晴晒月

五言絕

雨夜憶故山

春宵燈影寒孤枕臥茅宇更深夢不成點點芭蕉雨

百花菴

日暖百花酣異香散滿菴道人菴裡坐一朶肉優曇
訪孝廉王大允居士

秋老訪君來猶聽秋葉响憶管夜談時花前明月上
風雨下瀟瀟客窗可幽獨故人宜所居新栽數竿竹

春夜次韻

羣玉繞虛堂，孤蟾照夜塘。微風何處動，吹起樵花香。

示旨上人

簷鶻噪無休，林鶯啼不已。不必更思惟，盡是圓通旨。

示雲禪者

晚景入空門，寸陰不可捨。立心學上乘，勿愧資尊者。

心宗侍者公事之暇，嘗刺指血書普門品一百

卷用資恩有

躬行普賢行，廣發大悲心。皮下既有血，猶磨杵，作針

示長岡智清

參禪貴調直，莫疑得與失。一念堅不移，虛空撥出汁。

示石橋智賢

掃除知見塵，突出頂門眼。洞見祖師心，爍破天魔膽。

示圓頭

糞穢治教清，不免生二見。二見見不生，糞籌放光燄。

妙玄信女祝髮偈

斷除煩惱緣，隨現尼師相。覷破相非真，末山亦不讓。

贈了質道人課金剛經

赤手握金剛，猛性烈如火。截斷爛葛藤，拈出菩提果。

示岡亮菴醫國

佛國詩集卷之三
十一
本來一着子如空不可取雖則不可取能風復能雨
似本明菴主

豎起鐵脊梁坐斷十方界此事本圓明何用多知解
海印亭

四面空無際孤亭立最高朗然全海印萬象莫能逃
淺井針豎覓禡

四大本空空空中無所有針得虛空時還君是好手
題寧一山和尚遺墨

偉哉寧國師名德流天下銀鈎墮筆端照乘難爭價
寫懷

索居吾已慣大隱實無能一段煙霞癖終宜作壑僧

中秋

且習空山靜秋中又一年愛他三徑月爲我十分圓
示瞽者

舉起般若鋒千差一齊割翻轉舊面門突出金剛眼
示丹羽玉英士

抖擻舊精神超然不入塵撲翻黑漆桶勒轉玉麒麟
示松平大學英士

至道本忘言因言達其理未能契忘言不免從頭起
贈道朔醫者

盧扁學來純工夫老絕倫陰功今已滿笑坐杏林春
示雪江監寺

吞卻粟蓬時虛空展笑眉當家真種草必不遜楊岐
示松石病中

身是病之原聖賢所不免遺身純覺時百病一齊遣
示諸上人禮法華

各自著袈裟聲聲禮法華禮教能所寂共駕白牛車
示客二首

遠色終無病貪盃必致昏授君安樂法不用役心猿
趨名疾若隼語道蹇成驢若使各猶道顏曾亦不如

示禪上人

妙契在忘言虛空無口耳休來問若何我卻不如爾
寄友

寒暄非嬾訊才不及丹陽求我毛箋外方能見膽腸
示人念佛

勤念自性佛往生惟心土念既不從他生亦不出戶
示春巖居士

動既不于懷靜亦休存意動靜兩不生親到如來地
題畫魚

王郎畫雪魚墨法活如此翻身便作霖莫待主丈子

題金山

向未識金山，初從圖裡看。波心青一點，玉女綰雲鬟。
書資福白長老頌後

行到方稱到，言通未是通。西來祖師意，不在語言中。
示梅軒信士

立意要參禪，工夫改換直。教心地明，不怕虛空爛。
似知妙上人

萬仞寒層上，逢予喜接陪。禪心潭底月，道骨雪中梅。
似吉祥院主人

他生清淨種，玉質出蓮香。倘悟無師智，居然妙吉祥。

法印殘荷

家傳墨法奇，偶寫敗荷枝。髮鬢廬山下，秋風歷亂時。
鏡亭

一亭依峭壁，空外若飛來。萬象收雙眼，菱花鏡始開。
過加州謝越前太守遣夫馬護送

秋色澹無際，杖藜造遠方。謝君仁愛力，令我履康莊。
示了臺大師

世間無實相，萬事總歸空。空空無一物，大地起春風。
慈夫人乞末後語

末後一句子，我今預示汝。十方世界中，究竟無尋處。

昆陽池

池有一目魚

昆陽池水滿日暖漾金波半回魚猶在波心擲似梭

謝曉市官齋

瓦鼎蒸胡餅僊梨泛玉盃不齋泥大士專供飯如來

示省上人

參禪敵死生貴在親猛省若但學口頭如飢食西餅

示元法妙住信女

佛以法為先莫嫌生末季心心依法行則是佛住世

示客

持盈非易事揣銳難長保斯豈我私言蓋聞諸聃老

富士石

美哉石一拳形與土峰比日置几案間玩之樂不已

贈玄入針鑿

娘生殼漏子眾病所同處等間下一針痛快如何語

五言律

玉泉菴贈月公菴主

一室冷蕭蕭閒花滿徑飄但能忘索寞即是得消搖
雨進川前艇風鳴屋上條時扶蒼玉節相訪到山椒

其二

未采南中勝先尋有道流玉泉隨手搦山實任禽偷

遇客方斯日安禪已數秋吾知君眼底別自有林丘
地藏院贈獨禪老宿

有心學小隱此地可棲依籬外竹枝秀園中菜甲肥
苔花香展齒松露溼蒲衣除是知音者無人敢扣扉
贈大智寺本寂律師

獨往無塵處長年畏出山一盂姑自給半世肯辭艱
入夜燈常覆臨春草不刪脩名聞已慣今始見容顏
謝皇太子齋

春風知我意扶我過皇都日躡山川秀時和主伴娛
異花來苑圃香飯出天厨將底酌瀟供拈來無柄盃

藥師寺有感

寺苑有佛跡石

隱隱青松下寥寥古道場堦陰多薜葉殿冷斷爐香
佛跡輪紋在碑銘字畫亾徘徊看未已悲淚欲沾裳

招提寺

唐鑑真律師開山

訪古尋幽寺唐朝額尚存盛衰盍細問今管蓋難論
殿朽塵埃滿僧殘香火昏奈何朱紫者無一肯登門
法隆寺謁聖德太子像兼禮佛舍利太子南岳思和尚後身
有國隣諸夏漫漫東海濬人煙方熾日佛法未行時
幸值前南嶽來爲普導師遺留珠一顆千古照無私

遊多武峰

此山何峻秀，采采肖蓮胎。路趁溪聲入，人沿樹杪來。
石靈如欲語，花暖漸爭開。次第遊難遍，停輿未肯回。
池中放魚

江漢人多取，因之鑿此池。憫他貪巨餌，放爾入漣漪。
命險寬何樂，身安小亦宜。成龍如有日，莫惜作霖時。
冬夜吼源二兄集曇華室刻韻

道人佺用殊，天壤權爲室。二朗夜何閒，借談興轉逸。
窻搖燭影紅，風遞鐘聲密。不覺發長嘯，驚飛樹杪日。
鞍馬寺謁毘沙門天王像

靈境甲諸方，其誰不仰望。石泉無俗韻，花木有奇光。

白駿日邊下，朱簷雲外翔。我來非采勝，專謁北天王。

追輓三山歐道人 輓於水

靜裏每思君，平生不可聞。赤身驅作膽，怒氣吐成雲。
世亂長埋骨，家貧只賣文。因嗟明失士，死亦不留墳。

擬寒山

隱隱山堂上，熙熙春日融。輕輕眠一覺，漸漸放雙瞳。
淡淡斟盃茗，徐徐策短筇。依依松石外，遠遠望孤峰。

贈北山醫師

生來多學術，信是地行仙。眼底筋何壯，胸中氣浩然。
杏林春藉藉，桔井澤綿綿。況復歸真乘，脩名合遠傳。

初到加州

加州日域勝地也州人崇佛乘尚文
登土庶懽樂以至貧民丐子莫不安然得所
是皆王者仁慈所致也詩以美之

偶來遊勝地節候值秋光菊圃花初綻龜疇稼正黃
慈風聞上苑仁政布諸方厥德裕於此兒孫定永昌

謝松平越前守居士

晏然居國界四表化風長重法追張相尊僧效越王
德清朝椋頌名峻士民望曾受靈山記如今尚未忘

山代溫泉

加州山代有溫泉其源從井出可熟
有司守之蓋王者所用也秋日曇花道人來
浴果驗有司請與詩走筆作此

感沸出深窞入池涌暖波時時含瑞氣徃徃滌沉疴

大抵無嚴冷自然有太和要明妙觸處問取跋陀羅

詠紅梅

別是孤山種春晴向日開香清流洞谷影瘦上樓臺
鐵幹橫青嶂霞容照碧苔夜深誰作伴天外鶴飛來

水仙花

物外寄閒身超然離俗情國香終古重仙骨自來清
江漢閒宮闕攀梅舊弟兄波心時弄月錯認李先生

光上人篆三十二體金剛經

禪餘裁貝葉逸想寄毫端春蚓秋蛇瘦龜文鳥跡寒
經元空四相字骨變多般儻悟金剛旨千差一體觀

春日山居

浮世事營營無如山上清卷簾塵不到高枕夢無驚
花發兩三樹鶯啼八九聲摩襟時俯仰儘可暢幽情
三月三回友遊御室山

袂日過東隣超然耳目惺流鶯輕弄舌古柳密梳青
地迴天將近山空草亦靈羣賢欣飲綠樂事勝蘭亭
垂絲海棠

蜀都傳異種何日植瑤臺風到續紛動春來爛熳開
輕絲柔欲墜碎葉巧於裁日暖蒸霞霧庭前錦一堆
春晴集雙鶴亭

暇日愜幽情相招集短亭梅花窺客笑竹色補山青
剽取鴨頭綠爛烹雲腳馨玄言談不倦還許石能聽
真空主事袖詩過訪次谷

分攜雖日久心契豈論季吐氣欺宗慤哦詩做樂天
性空渾不礙骨俊最堪憐法苑重懽聚無非屬舊緣
詠方竹

均是此君族君胡質不然似因傷世濫不肯逐時圓
節勁猶淇澳稜生異渭川所嗟人賦少爲作補遺篇
春日謁八幡祠

一川雲碧淨春日汎扁舟水盡起浮杖山高青入眸

徑花明吐錦巖樹暗蟠虬祠下邀靈者聲鐘禮不休
優曇萃峰尋標上人_{時不二居士在座}不遇

一葉汎春波尋幽到薜蘿臨塔窺綠野隱樹見青螺
市遠塵囂寂林深鳥語和主人出未返且喜對維摩
贈審善振公菴主

脫白離仙鄉安居隱樹傍禪心磨坐鏡道骨鍊為鋼
擊斲利名鎖熏成戒定香或時歌枕處更不夢黃梁
中秋刻韻

天衢雲掃盡漸漸月痕生窺室夜成晝射人骨亦清
松風寂不動桂子落無聲秋色深如許均分此夕平

歲暮懷受業師庚戌

歲闌風雨夜倒指計燈前此後姑休論從今已十年
歸非無切念路自隔遙天料想師因我須省倍皓然
元夜懷玉峰大居士

上元逢雪後閨苑喜豐年人影交衢巷譟聲雜管絃
燈明窺斗柄月好上雲肩添我中華客同遊不夜天
送照禪師得法歸嗟哦

物色雲泉士如公亦不多雙矚空世相一杖探禪河
志銳無能折行高不可磨今朝承記蒞道價壓嗟哦
謁正統禪師御葬塔

春冷入雲阿雲邊禮塔婆念師生有眼識我志不磨
桺鳥啼深樹殘陽下碧波躡踏無限意揮淚強吟哦

雨中檢故山舊書

身棲天外久日想舊煙巒偶得陳季信從頭仔細看
時風頻薄劣者老半凋殘撫几正愁絕簷前風雨寒

慶贊聖象

寬文壬子春予遊南都謁招提寺寺唐鑑真
律師手勅規制雖在殿堂頽朽而梵相甚多
皆散置於殿角塵埃漫漶予太息久之因勸
以施人僧忻然以一軀遺予崇三尺許即律

師上晉思託阿闍黎所造但金彩剝落乃重
新粧飾加以花座嵌屏赫然如鑄金像海眾
瞻依歎未曾有且造者修者皆支那之人雖
古今時代不同而一段因緣巧湊其可以凡
情測乎

如來非有相以相見成塵縱曰空無物須知假即真
蓮眸秋水淨螺髻曉峰新一會犀顛者何如鷲嶺人

秋夜病起得友書

病起秋應減山房艸正深乍傳千里信頓解十年心
山瘦菊還發燈殘月未沈從容看始遍忽訝亂蛩吟

鏡菴

一菴池水碧藻荇影交加管是維摩地今成壑衲家
鏡空融衆象樹老着疎花客到忘喧寂從容笑品茶
因鏡有頌

乾坤宇宙間有一大圓鏡萬象摠虛含森羅俱顯映
靈明空古今混沌絕凡聖報汝學道人鏡後莫安柄
讀寒山詩

案有寒山詩焚香頻啓讀一章復一章一軸又一軸
精豈在文藝妙不入絲竹言言如鏡明洞照人心目
佛國高泉禪師詩偈輯要卷一終

佛國高泉禪師詩偈輯要卷第二

五言

門弟子道清道叢全編

遊仁和寺

好山濃欲滴翼出梵王宮寂靜離塵影焜煌照碧空
塔高擎曉日花落舞輕風擬拾歸詩句停筇寫不窮
閱鳳山和尚草錄

千峰春雨過相對坐齋頭偶檢鳳山錄疑從獅窟遊
篇篇明祖意字字照人眸不日登諸梓堪傳億萬秋
天龍寺謁夢窓國師像

聲名人所慕師獨避如鷄只爲心無著因之德更昭

轟轟傳兩國，藉藉重三朝。堂上瞻遺像，令人意自消。

登高雄山

磴道盤天際，捫藤漸次行。壑花無限意，古木不知名。石瘦留雲影，谿寒作唄聲。非予來已晚，緣自定三生。

槿尾山贈諸律師

空山寂靜處，律行一生修。捫蝨疑傷命，聞香恐犯偷。哇衣肩不離，貝葉目無休。厥德高如此，波離合共流。

高山寺謁明慧上人像

上人志趣豪，峰頂闢蓬蒿。名與實兼慧，山同德並高。辯才奪輩類，護法感神曹。無盡禪華藏，嘗能探以毛。

懷高雄所遊

置身能到此，儘可暢平生。入處惟山影，聞時但水聲。機關當地泯，禽鳥不人驚。及至形於夢，猶能使暫清。

遊二尊院

入境斷人家，招提出紫霞。堂中棲古佛，庭際見京華。林靜非無鳥，山寒未有萼。賞心忘作客，得句漫塗鴉。

全一枝居士遊箕面山

古路鑄苔錢，幽林喚杜鵑。相邀無垢士，來謁辯才天。白日聞山雨，深溪瀉石泉。松根樵者遇，疑是葛洪仙。聞如雪老宿，願世。

斯人予未識所聽盡推尊不出長縣錫無求獨灌園
擁衣時集鶴種竹屢生孫今也聞行脚空留鹿守門

詠懷

道人無外事詩茗結清緣飲得六七碗吟來三兩篇
吟完復索飲飲後又成聯日日長如此從教世態遷

登雙鶴亭

短策倚空屏多時未上亭老松成拱把幽菊吐清馨
雲嬾窺簾白苔荒匝徑青道人神益壯又筆兩函經

與瑞巖二兄請即非和尚真身舍利

一入無聲定閣維有相軀樹梢煙到處龕下火消餘

濯濯猶零露纍纍似貫珠人天均仰想幸速寄皇都

送即和尚舍利進塔

預期日卓午遺偈入無聲玉質火中浴烟光分外明
茶毗尚未息設利已斷爭此日藏靈塔波旬也淚傾

休糧道人

髭髮半成銀休糧舌欲塵雖無餘飲豚別有一精神
太瘦欣看竹無求畏見人擬傳君此術又恐道非真

贈品川老僧

年一百四十餘
道人忘甲子莫問幾多齒洗鉢成池沼栽松得茯苓
手扶刪過竹口誦讀來經出入衙門下癯然壑鶴形

示僧病中

學禪休厭病，因病得消搖。視世槐中國，觀身雪裡蕉。
戒鈎無待執，狂象自能調。一旦陽和動，瓊枝復舊條。

恭題 太上法皇御賜硯

節值書雲日，蒙頒硯一枚。非從龍尾得，不是到支來。
潤可含鵠眼，堅能發麝煤。顧斯御案物，愧乏鳳樓才。

詠雪 次韻

霏霏同雨急，糝糝逐風斜。一夜落不歇，千林盡放華。
山空聞折竹，客至喜烹茶。憶到嵩丘處，安心在我家。

歲暮吟

偶見陳年曆，看者幾日零。然髭忘老我，擁毳倚疎櫺。
山與心無動，梅同句聞馨。客來忻煮茗，敲雪落銅餅。

壬子除夜

是年臘月二十日立春

倚蒲清不寐，銀燭帶萼燒。臘盡當今夜，春來已十朝。
瓶梅香可掬，硯水凍全消。不把舊詩祭，還將新句敲。

贈柏巖弟住菴

高隱性何廉，食時味不兼。一盂瓊瑤粥，數粒水晶鹽。
屋小辭雲去，窗虛許月添。此時非絕俗，無復遇陶潛。

題羅漢像

合十問尊者，當本何上來。看稜渾挂雪，舌本欲生苔。

杖把竹根製衣，將柵葉裁。胡床坐不起，無力上天台。

冬日山居

竟季泉石裏，小隱覺忘形。客至食三白，詩成叶九青。
場雲閒不掃，笏室冷常扃。除禮斷翁外，無心出戶庭。
掃開山老和尚塔。

秋風吹不住，病葉滿空墀。對塔燃沉後，低頭汎掃時。
有懷難告訴，無語獨傷悲。惟殺林間鳥，聲聲啼不遺。

題華嚴室

一菴羣綠裡，高卧不知年。樹密疑無路，庭空別有天。
潑丹飛曉日，曳白間遙川。百劫同槐夢，浮生直甚錢。

玉樹軒訪天主長老

為尋高道士，重至古東山。舊路營筇屐，裡精廬雲樹間。
別長心欲渴，歡極暮忘還。談到幽微處，庭前石不頑。

中秋全諸子看月

數日皆煙雨，今宵始見天。九秋才一半，孤月正團圓。
露氣溼叢桂，蛩聲禱砌泉。勿辭談到曉，再賞又經年。

詩僧乞食戲贈

飢到字難煮，披衣下翠巒。丐來一盞飯，分作二時餐。
洗足脫芒屨，加趺坐石磐。又哦詩數句，待月出琅玕。

殿前雙桂

誰折月中柯，雙栽倚殿阿。
夜深神愈爽，秋半趣尤多。
金粟飽青女，天香襲素娥。
或時微吹動，相對舞婆娑。

林丘寺

欽承先帝旨，新立梵王宮。
天表雲常過，人間路不通。
鯨音鳴曉夜，岳色映簾櫳。
飽識安居者，塵襟一洗空。

題萼林園

三井會長者，自少好山水。
慕佛乘延寶，初就洛之西。
山瓶別業樹，佛堂爲燕居。
清脩之所，梅日萼林園。
其中有松有竹有泉有石，
又有茶園蔬圃池沼亭榭櫻桃桔柚，
且廣植梅萼，時當盛開，望之若春。

雪未消而寒香撲鼻，髣髴西湖孤山之景，誠足樂也。
春二月招予遊覽，爲作此詩。

有約來登眺，霏霏春雨餘。
梅香萼爛熳，松瘦影扶疎。
黃鳥笙難並，青巒畫不如。
孤山予未到，覽此足幽居。

贈雲松律師

今當後五百，先佛法衰時。
魔類饒威勢，僧流喪範儀。
憑誰張梵網，令我嘆毗尼。
賴有律中虎，無慚鍾阜師。

次韻舟中作

解纜出桑顛，行舟落照邊。
間搜意外句，笑看水中天。
岸樹斜將歷，沙禽起復眠。
絕欣堪畫處，一抹遠村煙。

仙臺法弟月耕和尚至

山頭言別後計指四霜餘路遠稀人跡天空絕雁書
羨君揚祖道笑我獨山居何幸二千里惠然降象輿

贈一雨法師

公因病中夢感注業報差別
經注成爲衆開講作此以贈

見說君今夏談經踞寶壇舌長同義虎德厚並神鸞
業報多差別真乘總一般遙知犀柄動夢雨下雲端

翹眺

門頭薄暮望壑色遠蒼茫落日銜山赤微風吹面涼
蟬聲鳴樹杪月影蘸池塘惜乏王維筆收來付麥光

又

滂然時雨過煙靄尚微茫松籟發幽響葛衣生翹涼
螺青橫遠浦鳴綠漲前塘偶爾逢高士清談盡夕光

次韻題山院

翠竇道人來寂不諱麥光裁貝葉雲片補袈裟
對境時知幻依松或結跏悠然無住着那復筭年

長明方丈石

管京兆有高士鳴長明悟世相無常入此山就石
構室而棲今廢而石存焉有青松兩株貫石而出
石上苔紋斑駁如繡天和癸亥夏四月徵君甫公
具伊蒲饌招予遊覽作此

禪餘呼竹策，訪石問長明。徑小人無跡，山空鳥有聲。
閒寧何待種，恠木自凶名。石上須臾坐，能將萬乘輕。

遊一言寺

地迥欲連雲，清幽與世分。盤萼香造次，山色綠殷勤。
屋老稀僧影，堦空半薛紋。除非鳴梵唄，人語未曾聞。

寄懷南都卽空和尚

深隱古皇都，孤高世所無。聲名拋逝水，德業冠浮圖。
梅葉充寒服，松萼給午盂。遙知禪寂久，鶴骨轉清臞。

遊霞谷兼贈龍空耆宿

偶遊霞谷地，入寺覺威儀。禮樂存三代，熏修課六時。

風傳金殿磬，水溢藕萼池。及見蒼顏叟，猶疑是遠師。

遊法界寺

古策僮身長，來探古道場。古賢遺勝蹟，古佛號琉光。
春已多時去，萼猶次第香。畱連看，不厭偏喜午風涼。

登愛宕山

始余初入洛，輒聞愛宕之勝。欲往而未，能今并載。
於茲矣，因與二三子肩輿而上。山重水複，一徑盤
空若鳶蘿之延。松柏兩畔，縣崖壁立而遊人往返。
不絕，旣登絕頂，看拂雲霄，下視人寰，不減蜂房蟻
垤，劃然一嘯響落千山。

大聖離塵境由來不負名山從天畔立人在畫中行
藝笑非干色谿鳴不是聲何緣能到此私自慶平生

其二

瘦策陟雲煙悠然骨欲仙羊腸紆入場鳴吻轟摩天
竹醉清谿口藝煥古洞前憑虛看不盡收拾入詩篇
含玉軒訪潭弟和尚

此軒曾一到今日偶重來匪採希奇勝爲尋逸世才
徑幽和蘚步胸矮帶雲開相對談方樂爭如從者催
擬入西山尋齊禪德遇雨不果
一卧西山塢從來未出門癩筋非不拔浮世厭多煩

書好倚松讀途荒任藪吞客中思一面無奈雨翻盆

暮秋過義山居士別館

秋色望無涯秋林學綺霞昔呼畦服輩來赴樹提家
龍嚼浮琳宇鳳團煮井藝主賓懽聚處不覺下金鷄
贈京兆英清士

洛下英賢盛唯君趣有餘眼中空利祿腹裡飽詩書
得句頻閒咏無人獨晏如除非陶謝輩未肯與同居
次韻示徒懷玉住志源菴

世事口慵譚逢緣輒住菴朝看松墮雪暮放月臨龕
有意依禪苑無心入鬧藍囊中何所蓄貝葉兩三函

七言律

遊萬石巖

天開圖畫羣峰頂，興到乘風次第登。
萬朵松杉萬朵石，一重臺殿一重僧。
前林日映後林色，上界雲從下界升。
始信洞中寒暑異，煮茶五月尚敲冰。

登玉峰居士雲林別館

仙人遊處非凡境，別有雲林從鼻太清。
掩映亭臺千樹密，吐吞日月兩池平。
空中點綴山多意，屋裡紆回路有情。
野衲試從高處望，喜聞天外鶴聲聲。

南都紀勝

南都日域舊帝都也山川形勝甲於列國予慕之
惜未能往春二月承法親王見招乃得遊焉政
善時和民豐物阜池魚尋掌聲而躍浪山麋追履
跡而入廡人忘於物而物忘人回思往古唐虞之
世或不異是詩以美之

竟年懸想古皇都，古聖遺風果勝殊。
鹿不驚人忘避影，鱗存知覺解聞呼。
山川佳氣登圖畫，士庶懽聲載道途。
信宿雲遊情不厭，此身無異在唐虞。

長谷寺即景

此地傳名經已久，到門始見大規模。
楓林錦樣攢嵒

壁雲逕已回入殿廡雁塔重重皆梵像蜂房曲曲盡
僧廬天開靈境誠難覩堪上王維古畫圖

御賜佛舍利塔

丙午夏六月 上皇以佛牙舍利貯以金塔賜開
山老和尚恭述小詩志喜

聖人御世智難量受得靈山記不忘曾錫梅檀來玉
闕又頒設利到藝堂咸傳鄖嶺非黃檗誰識上皇即
育王八萬人天同敬仰帝圖佛道永昌昌

詠紅白梅

相傳俱是羅浮種面目何分白與紅幾度活埋三尺

雪忽然笑破五更風枝頭聞處香無二簾外看來色
不同賴爾生成玉骨格濃妝淡抹任天工

祝卽非和尚五十廿寓小倉金栗園

滿林松竹奏笙簧惹動南薰殿閣涼兜率乘來天上
日毗藍誕出法中王千倉金粟增仁壽萬頃荷華釀
戒香方便示生云半百退哉慧命祝無疆

羅漢樹二首

雪霜不變立心堅神足何時離竺天下分形非應
供月中無語或安禪根靈已覺開枝異種勝還期證
果圓幾片殘雲堆樹底猶疑補衲未完全

自從托質在煙霞，歷盡春秋樸不華。
滿塢異香新般若，通身翠色古袈裟。
每傳聲說空王旨，了沒心遊長者家。
佛性由來存草木，時人覩此漫驚嗟。

紅梅次韻

當年和靖登仙去，誰把琴魁種此中。
太潔不容欺雪白，半酣姑自學桃紅。
質常易入時流眼，骨瘦猶存處士風。
底事凡葩終莫混，枝頭爲有暗香全。

卽翁和尚造黃檗，開山老人髮塔于聖壽山，作

此奉賀

酌恩報德志何堅，琢出浮圖萬象前。
藝木長生春藉

藉風埃不到，密綿綿雲腥，認是龍生角，雪凍全成玉。
插天老祖毛頭光，萬丈珍藏須讓我師賢。

大將軍爲開山老和尚建萬福寺落成志喜

佛法曾聞委國王，際斯像季幸無忘。
欽輸福地周千頃，錫建梵宮冠一方。
複道重階分上下，雕甍畫棟列輝煌。
鎮巖賴有賢師弟，併佗桑天日月光。
自從斷際啓禪林，赫赫家風管至今。
在管國公爲弟子，而今世主布黃金。
眼空那被聲名累，道大何妨黑白欽。
玉轉珠回時益盛，庇民祐國壯天心。

漢松吼和尚生辰

金毛獅子脫胎時正值橙黃與橘綠濟濟仲昆聚滿
堂綿綿福壽全稱祝禪衣重帶頰頭雲道貌清全霜
下竹大地權爲沒線琴臨風彈出無生曲

御製讚

寬文己酉閏十月初吉 太上皇帝以御製佛舍利讚賜松隱老人衲性澈即日恭臨丈室盥漱伏讀天語琳琅墨光璀璨真敵國寶哉欽和御韻上進

七字仰陀重太山朝來宜賜五雲間珠回玉轉機輪活鐵畫銀鈎錦繡斑時向琴堂瞻御腕嚴臨丹闕奉

天顏豈惟聲價高牛斗永鎮寰中日月閒

每呼萬歲學嵩山忽報奎章降此間丈室榮添蚪蚪跡寶鑑清供鷓鴣斑羣賢擊節欽高韻萬象忻懽改舊顏因憶宋皇遺御製何如今日旨深閒

蒼蒼瑞靄擁千山幸值重恩俯仰間敕命旣宜連夜發墨香新灑帶雲斑佛心不亞梁天子字法無殊唐魯顏橙衲際時三頌祝堯風舜日鎮長閒

重遊泉涌寺兼贈賜紫圭長老

嘗聞洛下招提盛泉涌名高冠八垓膏澤地從天子賜梅檀林自國師開規模宏敞環羣岫金碧焜煌照

上台只為境兼人，俱勝復興不厭再。三來

南都皇太子再至

栗留啼處柳風清，樹樹山萼照眼明。林下邇來方再見，國中早已得脩名。大揮玉版貽新句，滿把松蘿叙舊情。將謂禪門空世諦，豈知道誼重連城。

虎谿亭次韻

東林省和尚暇日命工鑿池引水，立亭于水際。梅曰虎谿，又設柴門于路口，曰小廬山，清致可喜，因次韻。此

點綴山川又一新，禪餘杖屐轉堪親。引來蜚瀑渾成趣，指作匡廬最逼真。游罷省稜增秀色，吟時舌底嚼芳春。羣賢濟濟皆高尚，未異當初晉代人。

種竹

酷愛此君風骨清，減將衣鉢買千莖。才添新綠疎疎色，便引柔風簌簌聲。山徑苔封鞭未走，紙窗日漏影初橫。自今不畏多岑寂，爾我松梅四弟兄。

御室山禮觀音

大悲示現真靈境，到者方知眼界奇。補甃亭臺橫絕壁，礙人檉檜倒垂枝。雲蒸艸色得春早，山抱鐘聲出谷遲。幸是近予君咫尺，瓣香猶可禮時時。

贈住山僧

一衲一瓢無繫累，林泉深處學禪棲。既能格局同今

異便是功夫與古齊閒逸趣生雲在岫顛狂心歇絮
粘泥時來石上觀流水又向琴間聽鳥啼

春夢

寂寞春宵茅宇下道人一枕黑甜奇飄飄陶侃昇天
處栩栩莊周化蝶時不有不無成髮髯非聲非色付
希夷敢言百歲人間事較此曾無間一節

懷玄沙舊遊

多幸禪刹半頽傾謝老宗燈晦未明不見緇徒恢矩
獲空餘窄堵鎖榛荆山前田圃侵將盡嶽頂松杉伐
欲平記得兒時遊甚慣而今髮髯是前生

大覺寺

峩我山邃離京華屢有陶劉學種畚碧水長流樵子
逕紅塵不到梵王家方塘數畝擲金尺灌木千章吐
玉葩莫慮法門將澹泊儲君常現作僧伽

雨後入內苑進 太上法皇

曉奉聖恩容入內欣逢靈囿雨初過琴含仁澤容無
改鳥喜清平語亦和風度瑤池波蕩漾日窺琪樹影
婆娑新詩欲寫難摹想信是人間觀史多

智積泊翁僧正見訪有詩次韻

變旌方占遇智人開門果有六環親胸含府庫義成

虎語吐沉檀氣蘊春見說子籌將滿室信知盛德必
多隣大千經卷藏何處示世還君破出塵

贈月潭法弟

親侍獅王二十秋室中機語每相投水雲滿座頻推
許手眼通身孰與儔名出難藏揮翰筆時來應作濟
入舟一承記荊增聲價指日期君振祖猷

和邵康節首尾吟三首

先生非是愛吟詩富貴功名識破時山峙鐵門嗤小
鬼斗懸金印誑孩兒梁唐晉漢三春夢吳越齊秦一
局碁爲報熱衷塵世者先生非是愛吟詩

先生非是愛吟詩月下風前得意時月到天心容獨
賞風來水回許誰知溶溶潭影沉空碧澹澹荷香拂
袖竒無限清幽無限趣先生非是愛吟詩

先生非是愛吟詩瓦枕匡牀夢醒時一陣清風來竹
戶數聲幽鳥轉琴枝心空頓覺乾坤窄道貴還看山
斗卑觸境偶然成好句先生非是愛吟詩

賀萃藏和尚住國壽

世界三千一袋收笑將日月作雙眸重重萃藏姑拋
置浩浩黃塵漫戲遊猪肉案禪應不廢酒臺槃話合
重酬從今垂手知無倦直使慈風簸九州

富士山

僧西行常遊此山有詩鳴天下

雄鎮三州名第一，半空卓出白峨峨。陽暑月消，不去寒色，隆冬積更多。一似珠幢擎地軸，又如玉柱插天河。西行管日頻來，此倚杖忘言獨浩歌。

和坡仙回文詩

潮生遠浦晚舟傾，笑對長空望月明。橋接斷堤垂柳綠，石橫淺嶼涌泉清。迢迢客路世情淡，拂拂風帆月色晴。遙想逸人遊此際，白雲和袖弄風輕。

有感哭雷洲子

師資義重割難開，大限肯臨庶事灰。篋裡畦衣將化

蝶塔頭，金錫半蒙埃。澆風疇管尚堪觀，古道而今挽不回。我亦無心長住世，黃梅路上子休來。

悼黃檗林和尚

年餘七十貌堂堂，兩處匡徒坐道場。追轉古風存古格，牢持宗柄正宗綱。呵空喝月渾無定，撻象鞭龍別有長。準擬享年齡齊，認老那知行腳往何方。

贈稻葉丹後守居士

京國新來宣美政，苾芻林下亦清安。黃堂未晉胸常梗，紫綬才親眼不寒。五袴詩傳元后喜，一岐麥秀庶民歡。知君尚有釣衡手，能使山河固石磐。

悼紫雲木和尚

三十餘年秉化權，東西兩域啓華筵。
雷棒雨超言外鳳，子龍孫滿目前名。
著功成身已退，齒高髮白世無愆。
如今行脚他方去，石女泥人亦慘然。

西來寺示卓子

親到西來豁兩眉，精廬重構夏深岑。
新篁濯濯堆成圃，眾葉纍纍綴滿枝。
地隔紅塵堪靜隱，山當白日亦幽奇。
境多知子墓，難盡為添霜毫寫入詩。

輓大覺端長老

老子生來智眼高，施為自不昧絲毫。
牽人富貴付長

夢蓋世功名視一毛，心寂寧貪操紫電。
身閑但愛着緇袍，如今去也無留闕。
此界他方必再遭。

松雪吟

予所居蘭若環山皆松，天和三季二月初十夜大雪，次日又雪，松林皆白，滑致可喜，偶命筆賦詩，詩凡八句，句句不離松雪，故曰松雪吟。

雪萼一夜擁松林，松自無聲雪自深。
雪壓松支低拂檻，松翻雪霰薄粘襟。
寒松凍雪空山境，白雪青松古佛心。
擁毳題成松雪句，呼童煮雪對松斟。

松阿雪場道人，家松影扶疎，雪徑斜雪覆萬松成玉。

樹松搖六雪，隆天藝老松。不改雪霜操，夜雪常堆松。
柏了時向松窗，詩雪曲松頭。驚起雪巢鷗。

遊龍興院

精營寶構聞來久，不謂而今眼始經。門巷徘徊方得
句，堂廊俯仰忽忘形。風翻古樹僧衣翠，雲破曉峰佛
髻青。遊者未知居者貴，儼然天設畫中屏。

閨中襍詠

萬山寒雪映松堂，試把英雄細論量。慙蟻宋郊身永
貴，酷刑秦政國何長。桐江一釣欽嚴子，門士三千壯
孟嘗。青史始終公道在，皴皴自莫混珪璋。

知心究竟只孤筇，久伴山居不厭儂。歲儉無餘還飼
鶴，枝高莫用枉屠龍。不須祕訣求黃石，安得長生盡
赤松。水月場中歸去好，晨昏坐席聽鳴鐘。

滿場傀儡弄無平，屈指何曾得少贏。道大乾坤方見
濶，德微軒冕未云榮。一身徒受千鍾祿，萬里惟存二
世城。揔遜漆園忘晝夜，翩翩蝴蝶夢莊生。
得便宜最失便宜，學智爭如解學癡。不出人前真貴
重，稍隨世故見安危。延陵挂劍許於咎，伯玉知非進
以昔。話出飛龍徒快舌，到頭方見美男兒。
紛紛悲喜與沈昇，我術無過劇一棚。苦欲呪兒癡，螺

羸死圖鑽紙笑蒼蠅當門有忌楊脩智與世無施李
廣能好在溪山最深處竹房留月讀傳燈

因諸子和松雪吟再用前韻示之

春宵無雪臥松林曉起松根雪許深踏雪看松拖謝
屐撫松翫雪挂禪襟松栽雪嶂存堅操雪滿松庭效
覓心松外雪晴禪客至爛烹松雪丹三斟
重重松雪鶴宜家雪霽松岡日欲斜松影橫窗連雪
影雪華着樹和松華蒼松帶雪偏垂榦白雪埋松半
露雪後倚松尋好句忽聞松雪裏啼鴉

中秋

暮雲滅盡碧空清九十秋光此夕平玉露零峯看有
色冰輪轉處聽無聲漫將石髓盃中試更覺天香衣
上生坐到更闌猶不寐擬移經案就窗明

過古城基有感

聞晉元戎鎮此中錦城今已化成空春晴我偶乘遊
興世異誰來弔舊蹤憩息獨餘蹲艸石相逢半是採
薪童英靈蓋代今安在剩得參天百萬松

我山光姪呈詩即韻以荅

偶然插艸此峰顛華木深幽足入禪源遠峯峯思太
白衝高徃徃憶知玄半生平過無求世一味清閑不

佛國詩集卷之三
管天謝子袖詩來問訊未能煮石學焦先

仲秋伏陽左大夫惠次韻廣陵公山居艸

秋霖初歇水盈池滿圃黃萼未出籬謝子遠拖靈運
履貽予新和廣陵詩非徒句法無人及且復才情亦
自竒大抵詞場鏖戰慣不難元白並驅馳

過西光寺途中值微雨

一路蒼髯染薄霜肩輿破曉訊西光滿空秋色侵僧
髮一抹寒嵐隱帝鄉碧草綠苔鋪錦席脩篁古木繞
華堂雨華底事空中降想是諸天代贊揚

贈廓法弟重建不二菴

院權曾領效岐翁栗棘吞殘弗計工透徹西來活祖
意掀翻不二舊家風夜聽竹浪傳清韻朝看雁行篆
碧空既得閑居樂若此從教烏兔走匆匆

義山隱者袖詩過訪次韻

分明世界梨園劇徃徃瞞人那有真春去秋來忙裡
度萼紅柳綠望中塵常教曼倩飢無祿誰顧靈均屈
不伸幸有智人深識破掉頭高隱孰能親

贈天嶽耆宿

衙不嫌貧世莫知貧教到骨卻相宜雲窩洞谷無塵
處蝸舍苔龕獨住肯身裹紙裘寧患盜口甘木食不

佛國詩集卷之三
憂飢分甌畫裡阿羅漢但次皤皤覆面翁

有感寄正明晦翁寺主

居山不是薄王侯只爲心空絕所求雲場藥多隨客採園林菓熟任禽偷爛烹蟹眼瓦爲鼎半捲蝦鬚月作鈎竟歲陶然如此過名韜利瑣付川流

仲夏謝越客惠紅白梅萼

羅浮萬樹爭春久者種何其今始開想汝特從炎熱處要人親辨雪霜材色分紅白誰妝出香壓麝蘭自蘊來幾度披襟閑玩賞惱無海粟咏梅才

佛國高泉禪師詩偈輯要卷第二

佛國高泉禪師詩偈輯要卷第三

門弟子道濟道發全編

七言絕

重遊增上寺

龍樓紺殿聳林巒寶塔金塔繞玉欄種種莊嚴看不厭幾疑堯率墮雲端

雨中禮石涅槃像

石高僅四尺許居增上寺之右中刻雙林滅度像併諸大弟子人天鬼畜靡不畢備考其匠者名介重當七十三歲嘗刻其巧心妙手可以自識不可

以言喻詩以志之

霏霏秋雨溼雲根猶似人天涕淚痕個是維摩誇好
手雙林移到海東門

靈雁

武州有獵者蓄一雁將晉王厨其夜夢雁告云荷
君養我恩固大矣胡不保我全生而免卦燔之慘
耶既覺駭然驚異遂棄所習攜其雁詣予授記放
之

霜翎雲足雁中王佛性靈嗣不少忘以夢醒人知固
異卻令羣類脫刀湯

雪夜

朔風一夜吹不歇起視雪寒山墮月萬木凋傷未足
愁只愁凍折梅萼骨

寒夜示客

深山岳谷三冬候別是乾坤識未曾雪裡梅成香相
佛天中月挂夜明燈

讀黃石齋先生殉節詩

一心憂國又憂民自古君臣沒兩人聖主既無天可
主先生安有地容身

示奕者

世界都盧一局碁輸贏往往勢難知
饒君著到斧柯爛也有碁殘局散皆

梅萼菴

千樹梅萼個小巷梅萼以外半松杉天留一軸長生
畫展在峰頭久不緘

題石

獨在千山與萬山竟季無恙抱雲寒不驚
寵辱將催爾何故爲陳三品官陳朝石封三品

補竹

竹成猶惜綠陰缺躬自鋤雲補幾行期到乾坤如甃

日與人併作一天涼

夏日

甘露山中宜暑月火雲不到如幽谷日長誰可伴禪
心莫逆牕前有瘦竹

十五夜坐月

一聲老鶴肅千林玩月無辭坐夜深縱謂年年圓十
二幾曾無恙似於今

退法雲命雪江知事監守

賢于爲我建精藍囑于安居莫等閑待得案峰親首
肯肯龜跛鼈盡開顏

途中別諸官從

丁未秋八月予退法雲諸官從士庶等星聚雲奔
填門遮衢眷眷不能捨以至輿送百里外予力止
之皆涕泣而別致令鐵心衛人亦惻然心動
曉風吹露溼雲衣道義銘心恐別肯不數誠言難付
囑願君各自學無爲

客舍聞雨

雞聲喔喔啓關津旅館驚回定裡身多謝雨師連夜
至洗滌歸路馬蹄塵

道中放生

不知夙昔作何因熏得悲憐念最真囊沒百文如萬
貫逢生便欲贖生身

謝若州守居士齋

連宵猛爇虛空椀煮出滿盤不溼羹無位真人方啓
齒山河便叫肚彭亨

峰石二居士過訪

有二菩薩出塵中示現宰官身說法何似嶧山大小
蘇碍無碍境俱超脫

題舍利塔

太守關梅巖居士篤信佛法以黃金造塔高七寸

許中置水晶瓶納舍利珠三顆大如菽珠光與金光光光交映爛然可觀真希世寶哉
黃金起塔世無多況得真身設利羅最是古今希有物光爭日月價娑婆

伊勢道中

青山疊疊擁芙蓉笑問神居第幾重馬首風清日欲墮猶言更入兩三峰

遊伊勢

伊勢天照大神國中第一名祠也亦歷代帝王聖祖通今天位幾萬載皆神之苗裔坐享太平無敢

篡者神臨下有赫國人朝禮不減補陀古傳毘盧如來應蹟信有徵矣丁未秋予謝事回洛紆道入山隨喜林巒如畫廟貌如生絃歌徹山谷以無遺士女填戶庭而弗輟止不必桃源問渡別是一人間世也拾成三絕以紀勝遊
遊那古佛密垂憐現大神身鎮海天福國祐民資法運二輪可墮願無遷
臨下無私且赫然居民樂業聚成鄣絃歌笙樂喧山谷別是人間一國仙
步到溪林又一林叅天古木不知名一聲磬款千山

響老鶴枝頭睡不驚

送人省母

多季不見娘生面帶雨衝風進遠途助汝州鞋襪似
虎逢山慎莫聽慈鳥

夜坐

清夜無人坐雪屋敲石火烹寒瀑如銀山月上
窗間寫出梅華真面目

題孤鶴

羽衣何日下雲中珠頂如華照雪紅莫笑無糧形太
瘦縱橫天地絕樊籠

禪道者乞偈

割斷世間塵俗累圓顱方服人祇園有心欲學脇尊
者何慮桑榆景欲昏

洛京道中

富貴強他心似焚山濤雪瀑我嘗聞多季不踏京塵
路雙袖攜來半是雲

夏日遊宇治寶林寺

琪華瑤草不知季古道昭曉貫洞天道上往來人絡
繹似騎雲鶴活神仙

舉世如今是熱場寶林龔龔足風涼百萃叢裡特遊

戲不覺通身蒼葡萄香

苔錢

團團冒作孔方兄買得東君到處榮至竟不能為世
用占人田地大無情

示堀木英士

五蘊山頭有一物寬若太虛朗若日通身是眼通身
舌說不能及鑑不出

長川亭觀瀑

空亭無鑰俯長川上有懸崖百疊泉洗盡人間鄭衛
耳聲聲彈出廣陵絃

登寶林山

多少遊人到此間匏樽倒盡未知還都隨俗眼看
鳥誰肯留心在水山

遊天台

半生山水債難酬兩國天台此獨遊石畔雲邊逢雪
叟直疑五百應真流

海棠萼下小梅

開處無香有甚奇宜乎杜甫不留詩汝今林下姑珍
重會見寒香撲鼻昔

仲春洛中有客獻木蓮華一枝高丈許凡五十

三孽戲成二十八字

一丈奇花過半百形如茵茵馥如曇一華若使容尊
佛恰好安排五十三

得受業師無住老人書

久辭受業遠遊方神瓚當年具此狂獨恨未能歸侍
浴不省古佛放毫光

示石峰飯頭

今日石峰古雪峰古今鼻孔兩相全全中識得捺天
處五百頭陀立下風

尼榮三求語

三即一今一即三非二非一如△字頂門具眼類摩
醯爍透末山無相義

三浦治大夫求薦妣

啗啗幽鳥亂谿聲紅白萼開樹樹明滿眼不遺兼滿
耳大夫何故更含情

瀟湘八景

瀟湘夜雨

微茫煙雨度瀟湘風送聲聲入夜長一種是聲聞俗
異僧方禪寂俗迴腸

洞庭秋月

水蘸長天澄徹底天連碧水杳無邊水天一色洞庭
夜霜月雙分上下圓

山市晴嵐

山徑蕭條蘚暈增山嵐陣陣學雲朋
枯天映日看無際妙手丹青寫不能

漁村夕照

縹緲青帘映夕陽漁翁繫艇罷鳴榔
榔鑿鑿魚得酒呼盧勝倚棹灘頭數雁行

平沙落雁

望裏平沙白貼天數行雁字落蟬聯
操觚不用重題

句已是瀟湘詩一篇

遠浦歸帆

葱葱島樹集寒鴉水碧風清落日斜
斜得意誰家商客返布帆飛影入蘆華

煙寺晚鐘

春寒雨過暮山濃樓觀參差煙靄中
樓上蒲牢誰扣擊洪音百八吼天風

江天暮雪

水天漠漠黃昏候萬籟無聲雪似銀
蓑笠漁郎能忍凍一竿猶自釣江濱

東山禮旃檀像

旃檀香發藹三千，稽首迦文天上天。妙相端嚴瞻不厭，臨風令我憶優填。

晚步得二十八字

舌本插椎懶詠詩，偶然得句自天機。蕉花林外微風起，霜葉紛紛蛺蝶飛。

甌浴

日東風俗凡，王室僧省以及旅舍多設甌浴。其法以香柴為室，深丈許，廣數笏，中布橫木如踈檣。檣後置湯釜，令湯氣上蒸於室，人坐室中，溫然如甌。

侍人為揩摩肩脊，毛竅開通，舉身輕快，亦卻病治身之一法也。

水能洗垢，水亦垢。水垢雙除，更一塵屋外。梅華三尺，雪個中別是一壺春。

詠笋

阿香夜半鳴山嶽，雲畔籜龍眠。始覺帶露抽來碧玉簪，撥天擎出黃金角。

次韻大宗正統禪師臨終偈

毘嵐風起卒難消，吹折扶桑第一條。霹靂一聲轟大地，驚翻四海潑天潮。

顯上人脫險于水詩以唁之上人常巧
飈風作惡動山川陸地波濤勢通天能免水災因素
感豈關身在第三禪

山居禱詠二首

叠巘層層春日曉綠陰深處啼黃鳥山童睡起拗竹
枝滿地落萼掃不了
篆爐飛翠盆萼燦禪室無人入靜觀風甌簷外響丁
東知有清風吹不斷

十僧詩

庚戌冬偶過潭公房閱白菴和尚廿季前手書僧

寶詩墨汁猶新稱賞久之因思白和尚有十僧詩
膾炙人口恨不能記憶乃與潭公分題共賦

老僧

臘較蒼松亞不多口門無齒念摩訶衣披糞掃着縣
雪畫出西天迦葉波

禪僧

上乘根器自非凡五味諸方已飽食寂寂惺惺忘歲
月大千權撥作蒲團

高僧

嬾殘未許結為隣生忙預魁惹俗塵芝詔重重徵不

起管他天子是何人

病僧

卧疾經時倦出菴
瓦罍藥銚結全叅
有人來問病根處
枕子聊推作指南

詩僧

宮商不入更希奇
縱口哦吟即好詩
字字自無蔬笋氣
非關唐島苦敲推

講僧

華雨臺高壓虎丘
瀾翻舌本奪溪流
談教理極言微處
頑石堂前亦點頭

貧僧

身外未曾餘長物
鉢囊百綴棄多皆
逢人贏得吟吟笑
笑道渾無地卓錫

山僧

日在翠微世不聞
袈裟蕉樣染苔紋
荷鉏種得山畝了
又折松枝掃白雲

嬾僧

爪長不剪髮連眉
土貌灰顱半似癡
祇為忘形忘物久
任他人笑涕交頤

遊僧

隨身應器與伽黎知數相逢勝舊知踏遍郡州三百
六卻言跬步未曾移

示自琢禪人

既能負志入山阿好把工夫自琢磨二六肯中如不
輟管教此事不爭多

寄休菴儒士

鏖戰文場已著名而今老去德彌馨高懸絳帳頻談
道端踞青氍細註經
久闕雙魚寄武江先生安否在芸窗春寒課子授經
外十丈詩魔想未降

題興石居士隱居

山谷勿云人跡幽自多好友伴春秋菊華開處陶公
至蝴蝶飛皆莊子遊

池上治藝架

方塘半畝對荆扉剪剪金波漾日微爲愛纖鱗防酷
暑高栽綠玉架薔薇

回文詩 春夜作

前殿月敲鐘殷殷隔雲風唳鶴聲聲泉林客少人間
靜禪入心澄喜夜清
瀑寒聽久坐空堦香篆添爐撥冷灰竹動岢飄飄落

月華飛數點，點點青苔。

客至回文

羣鶯睡處黃妝柳，陣鶴來時白間山。雲徑掃殘香郁，
郁聞來好語笑開顏。

臨川寺禮夢窗國師塔

稽首臨川堂上，祖那伽定入。幾多秋當昔，擊碎虛空，
骨剩得真身鎮塔頭。

登千光寺

寺之左，有了以翁，屏翁闢，
山谿，有冲今遺像尚存。
千尺懸崖構梵宮，下臨無地一谿通。何人浴水功如
禹，古碣高鐫了以翁。

天龍古刹

此山季代今云遠，緝宇曾經幾劫灰。剩有婆娑雙桂
樹，傳言猶是國師栽。

清涼寺禮旃檀佛

佛龕室常封鎖，非王者
長者特獻供，則不開。
紅塵堆裡現清涼，希世旃檀日鎖藏。多少遊人覓瑞
像，不知遍界是真香。

禮多寶塔

寶塔洞開，遶瑞雲古今。二佛座平分，善來海眾均瞻
禮。異口爭稱罕見聞。

觀義經判官劍石

在管義經志報恩七季學劍定乾坤可憐無數峰頭
石盡是當時試劍痕

遊南禪寺

十刹五山推第一蜚樓涌殿勢盤空逢人俗問南禪
境登嶂堆青接古松

知恩院觀轉輪藏

雙林大士悲心重巧示機權啓衆蒙三世法輪都撥
轉不勞深入老龍宮

北磴天滿宮

生抱精忠昭日月死存廟貌鎮山河有如千尺梅華

雪一段寒香不可磨

永觀堂禮回顧彌陀

倒垂金臂下雲端接引歸鄉路不難只爲兒郎行未
到曲勞竝立轉頭看

蠅觸紙窗

蕩蕩虛空初不礙奈渠自被眼睛瞞翻身便是出身
處切忌迷頭紙上鑽

聞某公捐館示客

酷愛鶯華老不知尚思享壽到願期直饒千歲終歸
盡豈有鶯華替得伊

鳥帝華咲日忻歡爭奈生囊無不死丹聲色早知全誤
已靈臺金谷亦慵看

甘露山六詠

與州甘露山法雲蘭若迺予初受請駐錫之地檀
越藩主所剏距王城半里許四山廻合灌木青蒼
亦寂靜處也及予諫事尋囑雪監院主之朝夕禪
誦為國祝釐景致頗多姑題六詠

甘露山

玉立峩峩衆峰環繞火雲不到
暑月如秋即本院之主山也

雲中玉立色蒼蒼四面羣巒仰佞王只為大悲甘露
灌炎炎六月亦清涼

寶鼎峰

秀若蒼玉圓如
寶鼎居丈室前

團團擎出與雲平天地為爐鑄得成器大量弘人因
識遲予千載代安名

蒼松嶺

在法雲前鐵幹虬枝盤
雲入漢四方共由之道

梯雲砌玉貫瓊丘竟歲蒼蒼遶衆虬策馬昇籃人絡
繹不知身在畫中遊

鎖雲關

在松嶺上為王
城把隘之處

樹起重門望險巖兩途截住顯全機白衣蒼狗來何
限到此母容造次飛

眠龍坡

在松嶺後首尾
盤屈若眠龍然

佛國詩集卷之三
六
放意橫眠古，到今渾忘跡。跡入波心大，千甘露嘗充。
冷不急騰身去，作霖。

調象嵯

與眠龍坡對為本
山左右屏形似象

無煩鈎洗自逡巡，一息嵯頭今幾春。遍吉現前騎不
動百華瓔珞著通身。

東大寺禮大佛

寺與像皆聖武皇帝因夢感而造厥後寺厄於回
祿惟銅像存焉像高一十六丈望之巋然若紫金
山大地為座爐霞為幕國人瞻禮四序不絕
虛空幻作空王殿大地權為百寶蓮一自結跏趺坐

後寰中歲月幾更遷

題大銅鐘

重十萬斤

不落尋常鳥氏手，出身大冷歷多艱。只緣鍊到心空
後吼破虛空當等閒。

春日山神社

不施寸刃掃妖風，赫赫威靈鎮此中。護國護僧功莫
大宜存香火與山全。

詠古榿

春日山大林中一古榿，大可數人圍。拔地摩霄猶
天一柱，恐吾闕雪嶠之榿亦不越此。

拔出千林接彼蒼枝枝偃蹇覆羣芳何如古雪峰頭見久享春秋作樹王

興福寺訪法親王

春山叠叠擁青螺春水沉沉鏡始磨收拾軍持兼杖錫御風得得謁難陀

觀放生池

池中多魚觀者擊掌以餅賦投之則游泳而出

佛國池塘無網餌人忘於物物忘情金鱗況亦存靈性解聽行人擊掌聲

萼原磬

興福有古銅磬曰萼原大不盈尺以雙龍為架隨

處扣之而音聲各別相傳來自身毒考其季代蓋

周物也守者乞詩作此

法中異器韻鏗鏗咸道傳來自竺天眼裡若人能善聽妙音領在末敲前

禮鑑真律師像

一瓢一錫一軍持遊化東方啓律儀盛德至今推作祖前因或恐是波離

西大寺瞻四天王銅像

管天平女主以赤金鑄四王像成其三獨一軀煨之數四不就主乃舉手祝之日朕以誠心造像當

來能轉女成男者手終不傷不則當與銅俱爛祝
已以手攬之無恙像遂成

天平女主範天王一段奇勳不可忘手入洋銅胡不
潰須知願力踰金剛

當麻禪林寺觀藕絲淨土變相

管有藤氏女稟性不凡專心安養嘗入寺削髮誓
日不見彌陀真身終不越闌俄有比丘尼曰我能
令汝得見因索蓮藕滿百馬載縷其絲以水濯之
成五色又有一女乃以其絲織作圖縱一丈有五
廣十尺餘淨土聖境瞭然在目藤氏大喜女忽隱

比丘尼因爲說偈藤氏曰卿自何來又此女者復
是何人尼曰我豈異人卽西方教主也彼女者觀
音也言已凌空而去藤氏自是益勤後誦佛而化
車軸蓮華四色開莊嚴寶樹七重排不從地涌兼天
降滿淨根中組織來

長谷禮大士

黃鳥嚶嚶轉綠陰寒谿滾滾出千林但能以耳聽聲
響鎔過現前觀世音

阿部朝文殊

見說藏身在五臺幾時持劍過蓬萊天然智用活如

此莫怪生瞞七佛來

瓠像詩

法隆寺一葫蘆瓠大如升其腹楞然外現孔聖及諸賢像者目生動如欲語者相傳千季物也詩以志之

渾圖未剖離名字諸老形骸曷揣摩曲為昔人遺幻跡大家打入葛藤窠

片岡達磨墳

梁普通元季菩提達磨大師西來震旦面梁皇不契得可大師遂隻履西歸後八十有六季復現日

國片岡身為餒者困臥衛左體甚香而目有異光會聖德太子出遊察其異與語相契賜食賜衣已而入寂復賜葬後啓墳無所有惟賜衣存焉昔人指為達磨墳

當季震旦瞞梁主又向桑東賺副君無限機關都泄盡徒教雲月鎖空墳

多武峰題飛來塔

形勝傳言類五臺浮圖卓越貫三台不同多寶空中涌一夕飛從震旦來

題藏王廟

下臨有赫從來事功塞上天豈等閑爲國爲民靈不昧至今廟貌鎮人間

登高野山

爲訪靈跡意趣多不辭艱險崇阿縣唯四十八盤路路盡長天手可摩

禮弘法大師真身塔

大師諱空海出讚州佐伯氏父田公母阿刀氏夢梵僧入懷有身在胎十二月而誕幼從舅氏朝散大夫習世典冠歲出俗博綜經藏德宗貞元二十季入唐抵長安周遊諸刹遇惠果阿闍梨果卽不

空大廣智三藏之高弟也一見而喜曰吾待子久矣顧諸徒曰此三地菩薩也卽爲灌頂授以阿闍梨位大師旣歸大興密教其神異種種非凡情所測入滅至今餘八百載而肉身尚存蓋持定以待

慈氏云

欲待龍華補處肯留身在定未曾移位登三地憑誰識饒舌皆因果闍梨

萬燈堂

萬盞燈光集一室燈燈不絕古猶今大師面目分明在休向泥洹路上尋

汎舟二首

樓船穩載越長河，澹澹春風午日和。
兩岍人民爭接足，虛聲慚煞老頭陀。

鶴唳鶯啼傳遠吹，汀華岍柳著疎煙。
一篙西去輕拋擲，撐破波心一線天。

謝天台皇太子惠茶菓

一筐御菓一筐茶，來自天台聖子家。
枯淡舌根俄換卻，洞山趙老品無加。

詠窗上桂影寄壽菴居士

玉斧不操尋月闕，碧霄無路到紅塵。
一枝誰送來窗

上金粟親分身外身

懷兄有夏居士

家山憶管采茶初，兄正之官遠別余。
春去秋來經幾度，有懷無處覓雙魚。

吾兄為政據當途，九牧家聲布在初。
縣想瓜遷經數四，未知何日賦歸歟。

雪中鬪犬

兩兩吠雲方遇見，狂奔怒嚙如兵戰。
不知有底分不平，碎我瓊瑤千萬片。

予室中有御賜物數種皆皆觸目聖澤難

忌各詠以詩以寫其意

瓦瓶異製非凡器，鄭重親從天上來。豈是無華堪貯
入優曇一朵未全開。

御萼餅

出跡曾憑巨匠手，親登玉案近龍顏。也知收盡中書
令錫向禪房，豈等閒。

御筆斗

細看美器出官家，髣髴將開齒苜華。受得中天甘露
了，纔傾半滴動龍蛇。

御水滴

蓮萼式

曾經御手洗，文犀猶帶玄雲下。形墀分付山童勤守
護，分酬正是浴龍池。

御筆洗

御物蒙頒壑衲家，非金非石用皆佳。試將冊上輕彈

歷風不能翻勢不斜

御書鎮

不因歛嶺端谿得，亦匪鳳唼龍尾來。去歲書雲佳節
日上皇親賜，下蓬萊。

御硯

雪中烹茶恭和老和尚韻

東海濃煎作趙茶，風流須讓法王家。一甌聊溼虛空
口，笑看琪林吐玉華。

不醉鵝黃但醉茶，了無俗事到山家。移人眼目還天
巧，頃刻均開萬樹華。

幾箇琅玕間蜀茶，十分清絕在禪家。高人相對間吟
賞，詩句新如欲語華。

恭和皇太子春日韻

鶴駕翩翩臨法苑欣逢暖日與暄風團圓把茗譚玄
要何異靈山一會中

心空菴贈月峰菴主

身披清淨蓮華服舍衛城中學住菴坐到心空及第
後百千諸佛總同參

閣老房州居士見訪賦贈

事親盡孝事君忠忠孝雙全天道同更解致心存般
若世間出世大英雄

示本多主殿居士

難得英季能慕衛知君神志自非凡從今好把金剛
劍生死根株直下芟

贈魏商主

不羨腰間十萬纏蓬萊採藥欲延季山明水秀忘歸
去疑是當昔徐福仙

謝耶山和尚惠新茶

摩耶山下先春茗多謝分新到竹窗試采露華亭數
盃睡魔十丈一時降

建開山老和尚影堂負土

欲樹昭堂鎮萬季平高就下貴先鞭有心報答開天

德大地須將荷一肩

承開山遺命修黃蘗清規萃藏和尚以詩見贈

依韻答謝

輯書不欲沒先宗愧匪訢師敢伐功何幸瑤章輕惠教頓令斯話遠流通

酬櫟菴主送炭

一林寒雪爛如泥贈我烏銀價不低燒起滿爐忘擁毳桃華三月武陵谿

洛下晚歸

幾處人家半掩樓管絃聲細暝煙浮朱衣畫袴遊春

者猶自紛紛九陌頭

示津田玄蕃主事

欲報復親生育德炷香稽首叩清修本來面目如參透無盡恩波一并酬

悼陽巖居士

去奉訪我扣荆扉啜茗話禪語透機今也全身入火浴空遺滿篋施僧衣

有感追悼小廬山大耆和尚

死棄淀河無別事免留骨石占山城細看淀水連天碧未及廬山一段清

仙臺宰執古內居士求語

頑石從來藏美玉，淤泥自古產青蓮。高人若解明斯旨，處處無非西祖禪。

慧日山贈太萼老宿

江國知名未識面，今朝天巧會雲山。麗谿鶴骨忻相對，髣髴空生畫牒間。

示僧問人法二空

實相從來難契證，寧容草草又匆匆。了明五陰并三毒，方號人空與法空。

題道德經

老君當日道無窮，不貴多言貴守中。只此二篇流四海，令人千古歎猶龍。

郡酒井伊織居士求語

叅禪如破萬重圍，緊把吹毛猛着威。直使重重都透過，方堪朗奏凱詞歸。

贈智積泊翁僧正

學富年高衆所依，身紆金紫國恩衣。千僧座上揮譚柄，惹得天華白晝蜚。

應松巖英士齋

捧出淨名香積飯，點來陸羽社前茶。均齋兩國方袍

士無漏田中福不差

喜天池和尚主席黃檗

大法衰頹百感增紛紛魔賊各爭能幸逢老將登壇

日破壘壞巢似不曾

據斷名藍作主翁洗光佛日簸真風頓惺一會人天眼免使從前更被蒙

建仁寺謁千光國師像

禪燈首續照東方四百餘年德尚芳誰是祖師真色相雲山疊疊水泱泱

佛國高泉禪師詩偈輯要卷第三終

